

անմիջապէս սահմանակից է մեր Շիրակին (Ալեքսանդրապոլի կամ Լենինականի գաւառ) :

Զաւախք գաւառին սահմանակից են՝ հարաւից Ալեքսանդրապոլի գաւառը եւ մասամբ Զըլլորբի շրջանը (Կարս), արեւմուտքից՝ Ախալցխայի գաւառը, հիւսիսից՝ Վրաստան (Գորիի գաւառ), արեւելքից՝ Ծալիա եւ Բորչալու (ներկայիս Վրաստանի մասեր) : Չորս կողմից լեռներով եզերուած՝ Զաւախքը ներկայացնում է մի բարձր սարահարթ, 5-6 հազար ոտք եւ աւելի բարձրութեամբ : Գաւառի ամենաբարձր սարն է Արուլ, լեռնազաւտի կեղբոնում, ունի երկու գագաթ : Արեւելեան սահմանի վրայ բարձրանում են Սումսար լեռները, համանուն գագաթով (10,777 ոտք) : Գաւառի կլիման շատ խիստ է. ձմեռը տեւում է երկար. ձիւն շատ է գալիս, սակայն օդը առօրջարար է : Կլիման համեմատաբար մեղմ է Խըրթըղ կոչուած հովտում, ուր Ախալքալքի գետակը թափում է Կուրի մէջ :

Ախալքալքի գիւղացիութիւնը վարում է խեղճ կեանք, սրովհետեւ երկրի բարձր դիրքը եւ կլիմայական պայմանները աննպաստ են հասութեան անտեսութեան համար : Սաղոյի, բամպակի եւ նման բոյսերի մշակութեան մասին Ախալքալքիցիները զազախար չունին : Մինչեւ իսկ հացաբոյսերի մշակութիւնը առատ արգելեք չէ տալիս : Յորենը դժուար է հասնում, որովհետեւ կարճատեւ է ամառը. աւելի շուտ համնում է դարին : Պաղատու ծառերի մշակութիւնը զարգացած է միայն Խըրթըղի հովտում, որ ցածրադիր լինելով եւ համեմատաբար մեղմ կլիմայ ունենալով նպաստաւոր է նման անտեսութեան համար : Գաւառը աւելի յարմար է անասնապահութիւն եւ յարակից անտեսութիւններ զարգացնելու համար, քանի որ ունի ընտիր արօտավայրեր : Այդ անտեսութիւնն էին վարում նաեւ դուխօբօրները : Ապաղայ կարող է ունենալ նաեւ մեղուարուծութեանը :

Գծախտութիւն է սակայն, որ, ինչպէս Հայաստանի շատ լեռնագաւառներում, այնպէս նաեւ Զաւախքում ժողովուրդը շարունակում է կառչած մնալ դեռ եւս հին, փակ տընտեսութեան շրջանից իրեն ժառանգութիւն մնացած հիմնական գրաւումին — երկրագոր-

ծութեան եւ յատկապէս հացաբոյսերի մշակութեան, որ սակայն ամենեւին հասութեարեք է : Դրա հետ մէկտեղ, Ախալքալքի գաւառին եւս յատուկ է խիստ սակաւահողութիւնը. շնչին հազիւ կէս դեցետարին վարելահող է ընկնում : Հակառակ այս ամէնի, կրկնում ենք, Ախալքալքիցի շարունակում է, այսօր էլ, ցորեն եւ դարի ցանելով դրազուիլ, հացի բերքի վրայ դնել իր յոյսը, փոխանակ անասնապահութեան, կաթնատնտեսութեան եւ մեղուարուծութեան անցնելու : Անդին՝ Զաւախքի հարուստ արօտավայրերից օծաւում են հեռու կովկասեան լեռներից եկող վրացի խաչնարածները :

Այս, ինչպէս նաեւ միւս կողմից այն պարագան, որ Վրաստանը աւելի եզիպտացորենի երկիր է (Արեւմտեան Վրաստանը ամբողջապէս), քան ցորենի եւ դարու, որով եւ սրանց կարիքը ունի Վրաստան, վերջինիս վարիչները ոչ միայն իրենց կողմից զարկ չեն տուել ու չեն տալիս Ախալքալքի բնական (բացիօնէլ) անտեսութեան զարգացման, այլ, ընդհանկառակը, խոչընդոտներո նն հանել այդ ուղղութեամբ արուող քայլերին դէմ : Պատճառ որ՝ Ախալքալքիցի հայի մշակած ցորենի եւ դարի կարիքը ունին իրենք, վրացիները, ինչպէս նաեւ նոյն այդ Ախալքալքի արօտավայրերի կարիքը՝ կովկասեան լեռնաշղթայի վրացի լեռնաբնակ խաչնարածները : Նոյն հիմնական քողաքահանութիւնն էր վարում առաջ Ախալքալքի վերաբերմամբ նաեւ ցարական կառավարութիւնը : Դրա համար էլ նա պոկեց Զաւախքը Ալեքսանդրապոլից, որի հետ առաջ կապուած էր վարչականօրէն : Ու ցարիցմը մի աւելորդ դէնք տուաւ վրացի աշխարհակալների ձեռքը՝ հայաբնակ Զաւախքը համարելու «Վրաստանի անբաժան մաս» :

Այժմ մի քանի խօսք Ախալքալքի գաւառի ազգաբնակչութեան վիճակագրութեան մասին : Դժբախտաբար դեռ լոյս չեն տեսել (զօնէ մեր ձեռքը չեն հասել) համախորհրդային մարդահամարի (1926 թ. Դեկտեմբեր) տաւեալները ըստ անդրկովկասեան գաւառների, որպէսզի կարող լինէինք ճշգրէլ, թէ Ախալքալքի գաւառը այսօր ո՞րքան բնակիչ ունի, եւ թէ՛ դրա ո՞ր մասը հայերից է բաղ-